

BOSNA I HERCEGOVINA
FEDERACIJA BOSNE I HERCEGOVINE
V L A D A

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-944/2022
Sarajevo, 28.07.2022. godine

**PARLAMENT FEDERACIJE
BOSNE I HERCEGOVINE**

Босна и Херцеговина
Федерација Босне и Херцеговине
**PARLAMENT FEDERACIJE
САРАЈЕВО**

Primljeno: 28-07-2022			
Org. jed.	Broj	Priloga	Vrijednost
02 -	02 -	1525	1/22, 40x3

- Dom naroda -
gosp. Tomislav Martinović, predsjedavajući ✓

VRLO HITNO

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Nacrtu zakona o zaštiti od nasilja u porodici, čiji je predlagач Vibor Handžić, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 326. sjednici, održanoj 28.07.2022. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo pravde
gosp. Mato Jozić, ministar**



Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Nacrtu zakona o zaštiti od nasilja u porodici, čiji je predlagač Vibor Handžić, delegat u Domu naroda Parlamenta Federacije BiH, Vlada Federacije Bosne i Hercegovine je, na 326. sjednici održanoj 28.07.2022. godine, utvrdila sljedeće

M I Š L J E N J E

U predmetnom Nacrtu zakona nije dat precizan i pouzdan iznos finansijskih sredstava koja je potrebno osigurati u Budžetu Federacije Bosne i Hercegovine za rad sigurnih kuća. Naime, članom 55. Nacrtu zakona, propisano je da se sredstva za finansiranje privremenog zbrinjavanja žrtve nasilja u porodici u sigurnoj kući, drugoj odgovarajućoj instituciji ili kod druge porodice osiguravaju iz Budžeta Federacije Bosne i Hercegovine u visini od 40%, iz budžeta kantona na području kojega se realizira sigurna kuća u visini od 40% i iz budžeta općine na čijem području žrtva ima prijavljeno prebivalište u visini od 20% od utvrđene cijene smještaja žrtve koja uključuje fiksne i varijabilne troškove. U obrazloženju Nacrtu zakona, na osnovu iskustva pet nevladinih organizacija koje vode sigurne kuće u Federaciji Bosne i Hercegovine, navedeno je da je potrebno na godišnjem nivou osigurati ukupan iznos od 1,6 milijuna KM. Osim iskustva, kako je navedeno u obrazloženju, nejasno je koji su kriteriji, parametri i troškovi uzeti u obzir prilikom ovog izračuna niti je taj izračun priložen uz Nacrt zakona. Stoga je prije upućivanja u parlamentarnu proceduru potrebno provesti punu fiskalnu procjenu koštanja ovog nacrtu zakona kako bi se precizno utvrdio iznos koji je potreban osigurati u Budžetu Federacije Bosne i Hercegovine za njegovu implementaciju. Također, iz obrazloženja Nacrtu zakona, nejasno je da li je proveden proces konsultacija s nadležnim kantonima i općinama koje sufinansiraju rad sigurnih kuća.

Nadalje, obrazloženje predmetnog Nacrtu zakona nije potpuno i ne sadrži sve elemente u smislu člana 63. Pravila i postupaka za izradu zakona i drugih propisa Federacije Bosne i Hercegovine („Službene novine Federacije BiH“, broj 71/14), naročito s aspekta usklađenosti propisa s pravnom stečevinom Evropske unije i pripadajućih instrumenata za usklađivanje.

Nacrtom zakona o zaštiti od nasilja u prodici potrebno je detaljnije propisati način provođenja nadzora nad radom sigurnih kuća, propisati kontinuiranu obavezu dostavljanja izvještaja o utrošku sredstava nadležnom ministarstvu, i u tom smislu uskladiti i dopuniti čl. 60. i 76. Nacrtu zakona. Isto tako, potrebno je uskladiti čl. 54. i 79. predmetnog Nacrtu zakona u dijelu koji se odnosi na uspostavu registra sigurnih kuća.

Također, članom 35. bespotrebno se opterećuje Nacrt zakona sadržajem rješenja o izricanju zaštitne mјere koje donosi nadležni sud i ista materija treba biti regulisana odgovarajućim podzakonskim aktom.

U vezi gore navedenog Vlada Federacije Bosne i Hercegovine daje negativno mišljenje o Nacrtu zakona o zaštiti od nasilja u porodici, čiji je predlagač Vibor Handžić, delegat u Domu naroda Parlamenta Federacije BiH.

V. broj: 1141 /2022
28.07.2022. godine
Sarajevo

